

Broj: 01-01.3-9821-12/25 SZ
Datum: 16.1.2026. godine

Na osnovu člana 69. stav (3) Zakona o javnim nabavkama ("Službeni glasnik BiH" broj: 39/14, 59/22 i 50/24), direktor Javnog preduzeća Autoceste Federacije Bosne i Hercegovine društvo sa ograničenom odgovornošću Mostar donosi sljedeću:

ODLUKU
o otkazivanju postupka javne nabavke
u otvorenom postupku

I

Postupak za javnu nabavku roba: „Ugradnja zaštite od ptica na ČNM Svilaj“, broj 01-01.3-9821-1/25 SZ, za koji je objavljeno Obavještenje o nabavci, broj: 266-1-1-168-3-344/25 dana 27.11.2025. godine, otkazuje se u skladu sa članom 69. stav (3) Zakona o javnim nabavkama (u daljem tekstu: Zakon), zbog dokazanih razloga koji su izvan kontrole Ugovornog organa i koji se nisu mogli predvidjeti u vrijeme pokretanja postupka javne nabavke.

II

U skladu sa članom 70. stav (6) Zakona, JP Autoceste FBiH d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđačima koji su učestvovali u postupku nabavke.

O b r a z l o ž e n j e

Javno preduzeće Autoceste Federacije Bosne i Hercegovine društvo sa ograničenom odgovornošću Mostar je u skladu sa čl. 14. stav (4), 17. stav (1), 18. stav (1) i 19. stav (1) Zakona, pokrenulo otvoreni postupak broj: 01-01.3-9821/25 SZ za nabavku roba: „Ugradnja zaštite od ptica na ČNM Svilaj“. Na Portalu javnih nabavki objavljeno je Obavještenje o nabavci broj: 266-1-1-168-3-344/25 dana 27.11.2025.

Kriterij za dodjelu ugovora je „najniža cijena“.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 18.12.2025. godine u 11:00 sati u prostorijama Javnog preduzeća Autoceste Federacije Bosne i Hercegovine d.o.o. Mostar, Hamdije Kreševljakovića broj 19, što je konstatovano u Zapisniku o otvaranju ponuda u skladu sa Zakonom. Komisija je na javnom otvaranju ponuda konstatovala da je ponudu blagovremeno predao 1 (jedan) ponuđač.

Komisija je prema članu 65. Zakona pristupila pregledu i ocjeni ponuda, što je evidentirano u Zapisniku o pregledu i ocjeni ponuda broj: 01-01.3-9821-8/2 SZ od 22.12.2025. godine, te je donesena Odluka o izboru najpovoljnijeg ponuđača broj: 01-01.3-9821-9/25 SZ od 31.12.2025. godine kojom se ugovor za javnu nabavku roba: „Ugradnja zaštite od ptica na ČNM Svilaj“ dodjeljuje ponuđaču „Alibeg“ d.o.o. Sarajevo koji je u otvorenom postupku jedini dostavio ponudu, a ista je prihvatljiva, odnosno ispunjava sve uslove i zahtjeve koji su propisani tenderskom dokumentacijom.

Nakon dostavljanja Odluke o izboru najpovoljnijeg ponuđača broj: 01-01.3-9821-9/25 SZ od 31.12.2025. godine koja je dostavljena na e-mail dana 06.1.2026. godine, izabrani ponuđač „ALIBEG“ d.o.o. Sarajevo je bio dužan da u roku od 5 (pet) dana na protokol Ugovornog organa



Identifikacijski broj: 4227691540005 PDV broj: 227881640006
Glavni račun: Union banka Sarajevo 1020010000014039
Transekcijski račun: Raiffeisen bank dd Sarajevo, glavna filijala Mostar 1610200062470038
Federalna taksa za korištenje autoceste: 1610200062470232 i 338690228666422
Naknada za korištenje cestovnog zemljišta: 1610200062470135 i 3386902286664649
Registrovano u Općinskom sudu u Mostaru, MBS 68-01-0179-10

BS

dostavi dodatnu dokumentaciju, odnosno originale ili ovjerene kopije svih zahtijevnih dokumenata iz člana 45. tačke a) do d), za koje je dao izjavu u skladu sa Aneksom 5 tenderske dokumentacije.

Do krajnjeg roka za prijem dodatne dokumentacije, 12.1.2026. godine, izabrani ponuđač „ALIBEG“ d.o.o. Sarajevo je dostavio tražene dokumente. Na protokol ugovornog organa je dana 12.1.2026. godine dostavljena dodatna dokumentacija, međutim kako je ista nepotpuna, izabrani ponuđač nije dokazao da ispunjava uslove lične sposobnosti iz člana 45. stav (1) tač. a) Zakona. S obzirom da je ovaj ponuđač ujedno i jedini učesnik u predmetnom postupku, Ugovorni organ nije u mogućnosti da postupi u skladu sa članom 72. stav (3) tačka b) Zakona, odnosno dostavi prijedlog ugovora ponuđaču čija je ponuda po rang-listi odmah nakon ponude ponuđača „ALIBEG“ d.o.o. Mostar.

Tačkom 7.1.2. tenderske dokumentacije je propisano da je ponuđač u sklopu ponude dužan dostaviti **Izjavu ovjerenu kod nadležnog organa** (organ uprave ili notar) da se na njih ne odnose slučajevi definisani tačkom 7.1.1. od a) do d) tenderske dokumentacije. Tačkom 7.1.3. je propisano koje dokumente ili uvjerenja je izabrani ponuđač dužan dostaviti.

Pregledom ponuda je utvrđeno da je ponuđač „ALIBEG“ d.o.o. Sarajevo u sklopu ponude dostavio predmetnu Izjavu ovjerenu kod nadležnog organa. Kako je navedeno u tački 7.1.4. tenderske dokumentacije, dokumenti ili uvjerenja navedena u tački 7.1.3. ne smiju biti stariji od 3 (tri) mjeseca računajući od trenutka dostavljanja ponude, a dostavlja ih izabrani ponuđač u roku od 5 (pet) dana od dana prijema odluke o dodjeli ugovora.

Također, tačkom 7.1.4. tenderske dokumentacije je propisano da: „Dokumenti ili uvjerenja navedena u tački 7.1.3. ne smiju biti stariji od 3 (tri) mjeseca računajući od trenutka (dana) dostavljanja ponude, a dostavlja ih izabrani ponuđač u roku od 5 (pet) dana od dana prijema odluke o izboru najpovoljnijeg ponuđača. Dokazi koji se zahtijevaju moraju biti originali ili ovjerene kopije. Za ponuđače koji imaju sjedište izvan BiH ne zahtjeva se posebna nadovjera dokumenata. U slučaju sumnje o postojanju okolnosti koje su definisane tačkom 7.1.1 tenderske dokumentacije, Ugovorni organ će se obratiti nadležnim organima s ciljem provjere dostavljene dokumentacije i date Izjave iz tačke 7.1.2.“...

Napomena za ponuđače registrovane u Bosni i Hercegovini: Shodno obavještenju Agencije za javne nabavke Bosne i Hercegovine, datom po pojašnjenju od strane Suda Bosne i Hercegovine u aktu od 21.05.2019. godine u cilju prihvatljivosti ponuda, kandidat/ponuđač je obavezan, u smislu odredbi člana 45. stav (1) tačka a) Zakona o javnim nabavkama, u vezi sa stavom (2) tačka a) istog člana Zakona, da kumulativno dostavi Uvjerenje/Potvrdu Suda BiH i Uvjerenje/Potvrdu suda prema sjedištu pravnog lica, odnosno kandidata/ponuđača iz kojeg je vidljivo da mu u krivičnom postupku nije izrečena pravosnažna presuda kojom je osuđen za krivična djela organizovanog kriminala, korupcije, prevare ili pranja novca.

Shodno tome Komisija za javne nabavke nije mogla vidjeti da li je izabrani ponuđač u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan.



Identifikacijski broj: 4227691540005 PDV broj: 227691540006
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200082470038
Federalna taksa za korištenje autoceste: 1610200062470232 | 336690229666422
Naknada za korištenje cestovnog zemljišta: 1610200062470135 | 3366902296664649
Registrovano u Općinskom sudu u Mostaru, MBS 66-01-0179-10


BS

Izabrani ponuđač nije dokazao da ispunjava u potpunosti uslove lične sposobnosti iz člana 45. stav (1) tač. a) Zakona jer nije dostavio Uvjerenje/Potvrdu Suda BiH, shodno tome Komisija za javne nabavke nije mogla vidjeti da li je izabrani ponuđač u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan.

Shodno navedenom, postupak za javnu nabavku roba: „Ugradnja zaštite od ptica na ČNM Svilaj” se otkazuje u skladu sa članom 69. stav (3) Zakona, zbog dokazivih razloga koji su izvan kontrole Ugovornog organa i koji se nisu mogli predvidjeti u vrijeme pokretanja javne nabavke.

Pouka o pravnom lijeku:

Protiv ove Odluke može se izjaviti žalba u roku od 10 (deset) dana od dana prijema ove Odluke. Žalba se izjavljuje URŽ-u putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.



Dostaviti:

- ponuđaču koji je predao ponudu
- a/a



Identifikacijski broj: 4227891640006 PDV broj: 227891640006
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200062470038
Federalna taksa za korištenje autoceste: 1610200062470232 i 3386902296866422
Naknada za korištenje cestovnog zemljišta: 1610200062470136 i 3386902296866422
Registровано u Općinskom sudu u Mostaru, MBS 66-01-0179-10

BS